



**D. D. Emanuelis Gonzalez Tellez, In Inclyta Salmanticensi  
Academia Collegii Majoris Conchensis Alumni, &  
antiquioris vespertinæ Sacrorum Canonum Cathedræ  
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Tertium

**González Téllez, Emanuel**

**Francofurti Ad Moenum, 1690**

Capvt I. Innocent. III. Priori, & Conventui (a) Glastonien.

---

[urn:nbn:de:hbz:466:1-74526](#)

# TITVLVS IX.

## Ne vacante Sede aliquid innovetur.

### CAPVT I.

Innocent. III. Priori, & Conventui (a) Glastonien.

Ovit ille, qui scrutator est cordium & cognitor secretorum, quod licet bonæ memorie C. Papa prædecessor noster Ecclesiam vestram exerxit Cathedram, ipsam (b) Bartholomen. Ecclesiæ (c) uniendo, ut idem esset Episcopus utriusque, & suam constitutionem non solum per privilegium, verum etiam per alia scripta multa euvaverit confirmare: quia tamen hæc unio à vobis asserebatur esse confusio, conquerentibus eam in grave præjudicium Glastonien. Ecclesiæ redundare, cum per ipsam dissolvetur religio, eleemosyna (d) fraudaretur, & hospitalitas nos vestris supplicationibus inclinati, ad relevandum Ecclesiæ vestræ statum intendere cœpimus, quantum decuit diligenter. Et quoniam absonum videbatur, ut subito prædecessoris nostri evacuaremus in hac parte statutum, cum ei, quantumcum Deo possumus, deferre velimus, sicut & volumus, quod quantumcum Deo potuerint, nostri nobis deferant successores; unione manente, sic de ceteris disposuimus, quantumcunque bona memoria Saverico Barthol. Episcopo displiceret, frequenter ob hoc ad Sedem Ap. laboranti, quod status Ecclesiæ vestræ videbatur in melius relevatus. Unde post diversos tractatus, & deliberationes multiplices, quod per viros prævidos & honestos auctoritate mandati nostri super hoc extitit ordinatum ad petitionem ejusdem Episcopi, postquam aliud à nobis non potuit obtinere, Apostolico tandem curavimus munimine roborare. Vos autem post obitum præfati Bartholomen. Episcopi ad nostram præsentiam recurrentes, humiliter postulatis, quia tempus advenierat, quo sine scandalo Ecclesiæ vestra ruina poterat in statum pristinum relevari: cum & Bartholomen. Ecclesia, & (e) Wellen. ipsum pariter postularet; (f) Rex quoque cum regni Magnatibus, & quidam Episcopi cum multis Abbatibus depositerent illud idem, ut unione penitus dissoluta monasterium vestrum reduceremus in statum antiquum sub Abbatis regimine gubernandum. Nos vero diligentius attentes, quod Episcopali Sede vacante non decet super hoc aliquid innovari, cum non sit qui jus Episcopale tueatur, præsertim ne plus cavisse personæ, quam Ecclesiæ videremur, si quod eo vivente concessimus, post obitum ejus subito mutaremus, petitionem vestram ex toto absque damno conscientiae, ac periculo famæ nequivimus exaudire. Ut autem solito more, quem & vobis utilem, & nobis honorabilem estis experti, gradatim ab imo procedatur ad summum, auctoritate vobis præsentium indulgemus, ut cum Batoniensis Ecclesia de Præsule fuerit ordinata, si ostendere volueritis quod Ecclesiæ vestræ nondum sit ad detrimentum, vel præjudicium evitandum plenè provisum, jus vestrum apud Sedem Ap. præsequendi liberam facultatem habeatis. Interim autem sub cura Prioris idem monasterium gubernetur.

### N O T A E.

- (a) *Glastonien.* Ita etiam legitur in tertia collectione, sub hoc tu. c. nn. Glastonia est in Anglia, ad partem Occidentis, prope Welianum, ubi sanctus ille Joseph ab Arimathea, discipulus Domini, qui ejus sacratissimum corpus sepulchro condidit, celebre templum construxit, & postea Hinc Occidentalium Saxonum Rex, qui vixit circa annum 688. ibi Caenobium Ordinit. D. Benedicti construxit, magnificeque dotavit, & postea P. D. Gonzal. in Decretal. Tom. III, Pars I.
- Ita Edgarus Anglia Regis magnis possessionibus auxii, & succellive Reges omnes singulare affectu prolequuntur sunt, ut referunt Polydorus Vergilius lib. 1. & 4. hisp. Anglia. Osbertus in vita sancti Dutani, apud Surium die 19. Maii, Willermus Malthesburg. lib. 2. de gest. Anglia, Yepes tom. 3. chron. D. Benedicti, cent. 3. a. n. 727. quod monasterium datavit usque ad tempora Henrici VIII. qui illud cum aliis ipsius provinciæ destruxit.
- (b) *Bartholomen.* Legendum est Batoniensem, utinam legitur. Batonia est civitas Angliae Episcopa

Episcopalis; temporibus enim Guillelmi Ducis Normannorum, anno 178. in Concilio Londini celebrato statutum fuit, ut aliquor Sedes Episcopales, quae in oppidulis ac pagis ante fuerant, in civitatibus, & locis celebrioribus collocarentur: quo factum est, ut Bathonia, Liaconia, Sarisberia, Exonia Cestria, atque Cicerchia, & civitates hujusmodi novo Episcoporum incolatū nobilitatē sint, ut refert Polydorus Vergilius lib. 2. fol. 155.

(c) *Uimento.* Quam Episcopatum unionem tantum Pontifex facere potest, ut probant Petrus Gregorius de beneficio cap. 2. Bartola lib. 3. juris eccles. cap. 16. & dicemus in cap. sicut unire, de excess. Pratal.

(d) *Eleemosyna frandareur, & hospitalitas.* Ut haec verba intelligantur, sciendum est, monasterium hoc Glastoniense magnis opibus fuisse datum; liquidem redditus ejus constabant ex trinta mille libris, cùm qualibet libra pendebat 40. regales, & ita plusquam centum millescula auti obtinebat. Ex his alebantur 400. homines, qui degebant in ipso monasterio, & hospitabantur alii plures nobiles, & 4. & 6. feria cipulibus hebdomadæ ampla erogabantur elemolynæ in pauperes illius ditionis, ut refert Yves ubi supra, fol. 41. his verbis: *Ylas riquezas de los conventos, y particularmente de este como hemos visto, servian de sustentar a muchos pobres, que venian de todo la tierra, los miercoles, y los viernes: y para entretenir a muchas personas nobles, y necessitadas.* Unde conquerebantur monachi ipsius monasterii, per unionem factam à Cœlestino III. cessare prædictas elemolynas, nec non hospitalitatem.

(e) *Wellen.*] VVellenensis enim Ecclesia jam antea fuerat unita Bathoniensi, ut refert Polydorus Vergil. *decl. lib. 1. hisp. Anglia, fol. 4.*

(f) *Rex.*] Joannes videlicet Rex Anglia, & Scote, non Richardus, ut voluit Cujac. in presenti; quod ut facilius percipiatur, praesentis unionis historia reperienda est; cùm enim Cœlestinus III. unionem fecisset Bathoniensis Episcopatus cum Abbatia Glastoniensi, in cuius unionis confirmationem dederat Richardus I. Rex Angliae prædictam Abbatiam Saverico Episcopo Bathoniensi, poscentibus monachis unionem rescindi coram Innocentio III. ex eo quia talis unio religione nocebat, & amplius præ ergo ratione in pauperum alimenta fieri nequit. Richardus dictam Abbatiam eidam Wilhelmo dedit, qui eam quadam vixit. Rex, pacifice possedit; eo tamen defuncto Savericus illam repetebat virtute unionis factæ à Cœlestino, & obiunxit eam confirmari ab Innocentio III. Defuncto tamen Saverico adhuc monachi instabant coram Innocentio III. pro rescissione unionis, plenaria sui cenobii restituitionem petentes; sed Innocentius eos audiendos non esse decrevit duplice ex ratione. Primâ quia vacante Sede, & defuncto legitimo defensore, videbatur Bathoniensi Episcopo, nihil erat innovandum quod attingeret iura Episcopalia, juxta D. Cyprianum epist. 31. ibi: *Ante constitutionem Episcopi nihil innovandum putamus, sed lapsorum mediocriter eupam temperandam esse credimus; dum Episcopus dari a Deo nobis sustinetur, in suffragio causa tenetur.* Secunda, quia si defuncto Saverico Innocentius monasterio concederet quod eo vivo denegaverat, videretur tunc plus favisse Saverico, quam Ecclesia; & ita recte definit, Sede Bathoniensi vacante, nihil statui posse; ex praesenti rubrica, cuius sententiam examinabimus in c. 3. hoc tte.

## CAPUT II.

Honorius III. Episcopo <sup>(a)</sup> Calven. & Magistris V. & I.  
Canonici <sup>(b)</sup> Sueffen.

**I**lla devotionis sinceritas, & sincera devotio, quam dil. fil. Magister R. Decanus Teanen. ad personam nostram & Sedem Apostolicam hactenus habuisse disquiscit, nos inducunt, ut eum pro sua scientia ac probitatis intuitu geramus in visceribus charitatis, & ei denegare nolimus, quæ secundum Deum fuerint concedenda: unde nos Ecclesiam sancti Leutii de Capua, cum omnibus pertinentiis suis, de qua Magistrum R. donationis nostræ gratia præcedente, præbendæ nomine de mandato nostro ven. f. n. R. (c) Capuanus Archiepiscopus investivit, sibi duximus auctoritate Apostolica confirmandam, non obstante concessione Capituli facta de ipsa Ecclesia Roberto de Franco, Canonico Capuano; seu confirmatione nostra, si qua forte in forma communi appareret obtenta; quum nulquam inveniatur cautum in jure, quod Capitulum vacante sede fungatur Episcopi vice in collationibus præbendarum: nec in codem casu potest dici potestas conferendi præbendas ad Capitulum per superioris negligentiam devoluta, cùm non fuerit ibi superior, qui eas possit de facto, vel jure conferre. Quocirca dñe. v. m. quatenus eundem Magistrum in corporalem ipsius Ecclesiaz possessionem sublatu appellationis obstaculo inducatis, & defendatis inductum.

### NOTÆ.

(a) *Calven.*] Ita legitur in quinta compilatione, sub hoc titul. cap. 1. Calvensis Ec-

clesia est suffraganea Archiepiscopi Capuani, ut ex veteri Codice provinciarum refert Cironius hic.

(b) *Sueffen.*] Suessa hodie Sessa, celebris urbs est